

KEMPEN TAHUN BAHARU CINA 2026 TERMA DAN SYARAT

KEMPEN TAHUN BAHARU CINA (Kempen) ini dianjurkan oleh Bank Kerjasama Rakyat Malaysia Berhad (Bank Rakyat). Dengan menyertai kempen ini, peserta yang layak (seperti yang ditakrifkan di bawah ini) hendaklah dan telah membaca dan memahami sepenuhnya semua Terma dan Syarat di sini dan bersetuju sepenuhnya untuk terikat dan menerima semua Terma dan Syarat yang terkandung di sini.

A. SYARAT KELAYAKAN PENYERTAAN

1. Kempen ini terbuka kepada semua pelanggan individu Bank Rakyat (baharu dan sedia ada) yang merupakan warganegara Malaysia, tertakluk pada syarat kelayakan dan mekanisme kempen yang dinyatakan di sini **KECUALI** warga kerja Bank Rakyat.

B. TEMPOH KEMPEN

1. Kempen Tahun Baharu Cina 2026 akan berlangsung dari **10 Januari 2026 hingga 28 Februari 2026**.
2. Sebarang pendaftaran, penyertaan atau transaksi yang dilakukan di luar tempoh kempen tidak akan diambil kira sebagai penyertaan yang sah.
3. Bank Rakyat boleh meminda, melanjutkan atau menukar tarikh serta tempoh kempen pada bila-bila masa sekiranya perlu.

C. MEKANISME DAN HADIAH KEMPEN

1. Penyertaan kempen ini adalah tertakluk pada kelulusan Bank Rakyat sepenuhnya dan juga Terma dan Syarat yang terkandung di sini.
2. Pelanggan yang memenuhi syarat kelayakan kempen berpeluang untuk memenangi hadiah yang ditawarkan seperti berikut:

Kategori	Mekanisme	Hadiah
Kad Kredit-i – Every Swipe Returns Prosperity (Terbuka kepada semua pemegang Kad Kredit-i Bank Rakyat kecuali pemegang Kad Kredit-i Korporat Bank Rakyat)	• Pemegang kad perlu membuat transaksi pembelian runcit (patuh Syariah) minimum RM88 dalam satu resit dan sebarang transaksi pengeluaran tunai adalah tidak layak bagi kempen ini.	• Pelanggan yang layak akan menerima rebat tunai 8% yang akan dikreditkan ke dalam akaun Kad Kredit-i pelanggan. • Rebate tunai terhad RM88 untuk setiap pemegang kad sepanjang tempoh kempen dan jumlah keseluruhan rebat tunai

		bagi kempen ini adalah terhad kepada RM10,000.
Akaun-i eGold – <i>Golden 88: The Flow of Prosperity</i>	Pelanggan yang membuat pembelian emas minimum sebanyak RM88 dari Akaun Simpanan-i, Akaun Semasa-i atau Akaun Pelaburan-i (Akaun yang Layak) milik pelanggan di Akaun-i eGold dalam tempoh kempen adalah layak menyertai cabutan bertuah untuk memenangi hadiah kempen. • Setiap pembelian eGold bernilai RM88 akan diberikan satu (1) token penyertaan. Lebih banyak transaksi pembelian eGold dibuat, lebih tinggi peluang untuk memenangi hadiah kempen.	• Seramai 88 orang pemenang bertuah akan menerima hadiah tunai RM388 yang akan dikreditkan dalam Akaun Simpanan-i pemenang selepas tamat kempen dan selepas senarai 88 pemenang telah diumumkan.

D. PEMILIHAN PEMENANG

1. Jawatankuasa penentuan pemenang untuk kempen ini ditetapkan oleh Bank Rakyat.
2. Undian akan dijalankan secara pilihan rawak dengan menggunakan sistem undian berkomputer selepas tamat tempoh kempen.
3. Pemilihan pemenang akan dibuat oleh Bank Rakyat. Semua keputusan pemenang adalah muktamad dan sebarang surat-menyurat, bantahan dan rayuan tidak akan dilayan.
4. Pengumuman pemenang akan dilaksanakan melalui mana-mana platform yang berikut, berdasarkan kesesuaian yang ditetapkan oleh pihak Bank Rakyat:
 - Khidmat Pesanan Ringkas (SMS)
 - Pusat Panggilan Bank Rakyat
 - Laman web rasmi Bank Rakyat
 - Laman media sosial rasmi Bank Rakyat
 - E-mel
5. Pemenang yang gagal dihubungi atau gagal membalas panggilan daripada Bank Rakyat akan digantikan dengan senarai pemenang simpanan yang layak dan disahkan.
6. Setiap peserta layak memenangi satu (1) hadiah sahaja bagi setiap kategori sepanjang tempoh kempen berlangsung.

E. TERMA DAN SYARAT AM

1. Dengan menyertai kempen ini, peserta/pelanggan bersetuju dan membenarkan data peribadi mereka dikumpulkan, diproses dan digunakan oleh Bank Rakyat mengikut Notis Privasi Bank Rakyat yang boleh dirujuk di laman sesawang Bank Rakyat.
2. Bank Rakyat mempunyai hak eksklusif untuk mencetak atau menyiarkan nama dan gambar pemenang untuk tujuan promosi kempen dalam laman media sosial Bank Rakyat, laman sesawang korporat Bank Rakyat, atau mana-mana saluran media yang bersesuaian.
3. Dengan menyertai kempen ini, peserta/pelanggan bersetuju untuk membenarkan Bank, anak-anak syarikat, sekutu, pemegang lesen, pengarah, pegawai, ejen, kontraktor bebas dan agensi pengiklanan menggunakan nama peserta/pelanggan dan butiran peribadi (jika diperlukan) untuk tujuan komunikasi, kempen, secara keseluruhan, dalam mana-mana dan semua media sekarang atau yang telah dirancang, tanpa bayaran tambahan, melainkan jika dilarang oleh undang-undang.
4. Melainkan diperuntukkan secara khusus atau sebaliknya, Bank Rakyat boleh meminda, membatalkan atau menambah mana-mana Terma dan Syarat ini dari semasa ke semasa dengan memberi notis terlebih dahulu di laman web bank atau sebarang medium komunikasi yang bersesuaian dan sebarang pindaan, pembatalan atau penambahan akan berkuat kuasa selepas notis dikeluarkan atau diterbitkan.
5. Bank Rakyat berhak untuk menolak dan/atau mengeluarkan sebarang penyertaan yang tidak tepat, tidak lengkap, mencurigakan dan tidak sah serta tidak memenuhi syarat-syarat seperti yang dinyatakan dalam Terma dan Syarat ini.
6. **PENAFIAN: TERTAKLUK PADA APA YANG DIBENARKAN OLEH UNDANG-UNDANG, BANK RAKYAT DAN ANAK SYARIKATNYA TIDAK AKAN BERTANGGUNGJAWAB KEPADA PELANGGAN/PEMOHON ATAU MANA-MANA PIHAK KETIGA (KECUALI UNTUK LIABILITI YANG TIMBUL DARIPADA KECUAIAN MELAMPAU, SALAH LAKU, SENGAJA, FRAUD ATAU KEINGKARAN SENGAJA BANK RAKYAT) UNTUK KEROSAKAN LANGSUNG, TIDAK LANGSUNG, KHAS, SAMPINGAN, GANTI RUGI TAULADAN ATAU AKIBAT KEROSAKAN (TERMASUK KEHILANGAN PENGGUNAAN, DATA, PERNIAGAAN ATAU KEUNTUNGAN) YANG TIMBUL DARIPADA ATAU BERKAITAN DENGAN PENYERTAAN ANDA DALAM KEMPEN INI, SAMA ADA LIABILITI TERSEBUT BERLAKU BERPUNCA DARIPADA APA-APA TUNTUTAN BERASASKAN KEPADA KONTRAK, JAMINAN, TORT (TERMASUK KECUAIAN), LIABILITI KETAT ATAU SEBALIKNYA, DAN SAMA ADA PELANGGAN/PEMOHON TELAH DINASIHATKAN ATAU TIDAK KEMUNGKINAN KERUGIAN ATAU KEROSAKAN BOLEH BERLAKU.**

7. Bank Rakyat tidak akan bertanggungjawab terhadap sebarang kemungkinan yang disebabkan bencana alam, peperangan, rusuhan, perintah berkurung, kebakaran, banjir, kemarau, ribut, epidemik, pandemik, kegagalan sistem atau sebarang situasi di luar kawalan Bank Rakyat.
8. Dengan menyertai kempen ini, peserta/pelanggan telah membaca, memahami dan secara nyata bersetuju untuk terikat dengan Terma dan Syarat yang terkandung di sini, termasuk keputusan Bank Rakyat yang muktamad, mengikat dan konklusif.
9. Terma dan Syarat ini tertakluk dan ditafsirkan mengikut undang-undang Malaysia.
10. Untuk maklumat dan pertanyaan lanjut, sila hubungi Pusat Panggilan Bank Rakyat di talian 1300 80 5454; atau kunjungi mana-mana cawangan Bank Rakyat; atau layari laman sesawang Bank Rakyat.